



E DIESCINCO PUNTONAN ESENCIAL DI “PUEBLO PROME”

1. Un biento fresco, un renobacion di nos systema politico

- E pueblo Arubiano ta cansa di politikeria y politica tradicional y kier un transformacion na un politica nobo, cu un gobernacion door di ministers professional na Aruba. Un era nobo, unda **BIENESTAR, PROSPERIDAD Y FELICIDAD** di full e pueblo ta wordo garantisa.
- Den partido PUEBLO PROME gobierno lo traha pa e pueblo y no pa robes!!! Gobernacion den siglo 21 ta trata di **bienestar, felicidad y prosperidad di e pueblo**. Time's Up, Game is over pa MEP y AVP cu nan promesanan falso, nepotismo, auto-enrikicimiento, maneho fraudulento. Cu partido PUEBLO PROME, Aruba lo transforma pa un democracia participativo. E pueblo lo dicidi!!!
- PUEBLO PROME ta reconoce y realisa e derecho fundamental di cada ciudadano riba trabou, entrada, un residencia sigur, alimentacion, awa, coriente, un existencia digno, felicidad y satisfaccion. Ta e tarea basico di e gobierno pa haci esaki posibel.

2. Expertonan profesional como minister

Bo no por maneha loke bo no ta compronde. PUEBLO PROME lo nombra e miho expertonan profesional como ministernan den e gobierno. E docente, dokter, experto financiero, experto den turismo, etc miho capacita. E miho profesionalnan di e poblacion lo dirigi nos pais.

3. Participacion, democracia participativo, dialogo nacional

Den partido PUEBLO PROME e pueblo lo wordo scucha! 21 socio den e comunidad Arubano cu ta inclui docentenan, dokternan, sindicatonan, dunador di trabou, NGO's, barionan, studiantenan, pensionadonan lo haya participacion den e manera di goberna Aruba. Hunto cu e pueblo nos lo traha pa un miho Aruba. Cu PUEBLO PROME lo bin un fin na e discriminacion di MEP Y AVP.

Pueblo na poder

- E miho cuidadanonan profesional lo bira minister den nan ramo.
- Cuidadanonan lo dicidi ken lo dreठा parlamento, no e directiva di e partido. E candidatonan riba lista cu e votonan mas halto lo dreठा como representante di pueblo den parlamento, sin teniendo cuenta cu nan number riba e lista di partido.
- Cuidadanonan lo tin derecho riba un referendum.
- Cuidadanonan lo tin acceso lihe y directo cu nos Nationale Ombudsman ora un hende wordo trata inhustamente door di gobierno.

4. Un gobierno chikito

Na Aruba mester bin un fin na un gobierno grandi y caro na unda e nepotismo di politiconan tradicional ta domina. Aruba mester di un gobierno delega y efectivo. Un gobierno cu ta crea un clima di inversion y cu ta brinda oportunidad di trabou.

5. Trabou y ingreso pa residentenan di Aruba prome

Residentenan Arubano mester tin trabou y ingreso prome cu tuma trahador extranhero. Extranhero lo haya permiso como trahado invita pa un period di 3 aña.



6. No mas medida

PUEBLO PROME ta indemnisa pueblo di e medidanan financiero contra pueblo y comercio. Cu AVP y MEP pueblo lo mester keda sufri y sangra door di e mal administracion di e partidonan tradicional. PUEBLO PROME lo implementa un reduccion den gastonan publico. Medida lo ta cos di pasado.

7. Reduccion di costo di bida, reduccion di pobresa

Pueblo ta hanja reduccion di coriente y awa den dos siman cu PUEBLO PROME den gobierno. E costo di bida lo mester wordo baha cu minimo 500 florin pa luna pa famia. No mag di tin pobresa na Aruba.

8. Solucion pa e posicion financiero y crisis di Aruba

E costo di mal gobernacion, mal maneho financiero, fraude y corrupcion ta suma 450 miyon florin pa aña. E placa aki PUEBLO PROME lo spaar y lo wordo uza pa paga e debenan.

9. Un economia nobo

Un politica di turismo totalmente nobo, desaroyo spectacular den e area economico pa San Nicolas, Savaneta y Oranjestad, desaroyo den energia solar y maritimo, renacemento den e area di construccion, agricultura, horticultura y ganaderia, tur esaki lo percursa pa un crecemento economico anual.

10. Un cas propio

Un vivienda propio pa e Arubianonan lo ser facilita door di proyectonan di vivienda di calidad na prijsnan economico. Prestamonan cu interes abou mane e ehempel di Singapore na unda 90 porciento di e poblacion tin un cas propio.

11. Combatimento di fraude y corrupcion

Ministerio Publico lo cay bou di e Reino Hulandes, cu lo persigui y castiga tur e fraudenan grandi den e pasado reciente.

12. Educacion y Salubridad Publico

Den e ultimo 4 añanan aki Educacion y Salubridad Publico a wordo totalmente ignora y a bay cuesta abou. Experto profesionalnan lo haci e cambionan necesario, cu participacion di educadornan y dokternan, pa esaki ta cuadra cu siglo 21. Ayudo y cooperacion lo wordo pidi na Hulanda pa nivela y modernisa nos Educacion. Dentistanan lo wordo inclui den e pakete di AZV.

13. Solucionan rapido

Lo bin solucionan inmediatamente pa e problema di desperdicio na Parkietenbos y e dumpnan ilegal y tur otro problemanan cu ta dura mucho largo manera, registracion di BIG pa e dokternan, e ley di pedofila, y e Acuerdo di Nacionan Uni contra corrupcion.

14. Relacion cu Hulanda

E disputa eterno cu Hulanda mester stop. Un cooperacion bon y estrecho cu Hulanda y e Reino lo haci Aruba florece di nobo.

15. Garantia di programa di Partido

Como unico partido riba Aruba, PUEBLO PROME ta garantiza di cumpli cu su programa di gobierno. Socionan di coalicion den un gobierno nobo lo mester acorda y firma e programa di reforma di PUEBLO PROME.